

欽定大清會典事例

欽定大清會典事例卷一千八十

太常寺

禮節

孟春上旬及歲除前一日祀禮節

祈報天神

地祇

太歲

太歲三壇禮節

孟春上旬及歲除前一日祀

太歲禮節○凡祀

太歲初春為迎歲暮為祖均遣官將事豫期承祭官分獻官暨執事官各於邸第致齋太常寺卿具祝版省牲宰率屬除殿廡內外展

神幄恭請殿廡神龕

太歲

月將神位各奉安於神座。

太歲神位南嚮。

月將神位十有二。司春秋者東位西嚮。司冬夏者西位東嚮。至日五鼓。太常寺官具器陳。正殿牛一。羊一。豕一。登一。鉶一。簋簠各二。邊豆各十。琖三十。鑪一。鐙二。設案一於殿中少西北嚮。供祝版。設案一於東。西嚮。陳禮神制帛一。色香盤一。尊一。爵三。陳福胙於尊爵之旁。加爵一。兩廡各二案。陳設均與正殿同。又設尊案各一於廡南。

陳禮神制帛六。白香盤二。尊二。爵六。凡牲陳於俎。帛實於篚。尊實酒。承以舟。疏布幕。勺具。樂部率太常寺協律郎設中和韶樂於殿內東西。陳樂舞於樂懸之次。太常寺設洗於東階下少南。承祭位中階下。分獻位承祭官後甬道左右。均北面。司祝。司香。司帛。司爵各一人。分立祝案。尊案之次。司樂。協律郎。樂工。歌工。舞佾。序立東西。樂懸之次。典儀一人。立殿外東階。掌燎率燎人立燎鑪南。均如常儀。昧爽。承祭官分獻官朝服詣壇。贊禮郎豫引分獻官至拜殿北階下左右。

祇俟贊引太常寺贊禮郎二人引承祭官由拜殿南左門入。出北左門降階詣盥洗位。贊禮郎贊盥洗。承祭官盥手畢。引至拜位前北面立。分獻官均就位序立。典儀贊樂舞生登歌。執事官各共乃職。武舞執干戚進。贊禮郎贊就位。承祭官就位立。典儀贊迎。

神。司樂贊舉迎。

神樂。奏保平之章。樂作。贊禮郎詣

神位前。引承祭官升東階。入殿左門詣香案前立。贊
上香。司香跪奉香。承祭官舉炷香。次三上瓣香。

畢。贊復位。引承祭官復位。贊跪叩興。承祭官行三跪九叩禮。分獻官均隨行禮。協律郎偃麾。工夏。敵樂止。典儀贊奠帛爵。行初獻禮。有司揭尊。罍勺。挹酒實爵。司樂贊舉初獻樂。奏定平之章。樂作。司樂舉節。舞干戚之舞。司帛司爵進至

神位前。司帛奉篚跪奠於案。三叩興。司爵奉爵立獻於正中。皆退。司祝至祝案前跪。三叩興。奉祝版跪案左。樂暫止。典儀贊讀祝。贊禮郎贊跪。承祭官暨分獻官皆跪。司祝讀祝。讀畢興。以祝版跪安篚內。叩如初。興退。樂作。贊禮郎贊叩興。承祭

官暨分獻官均行三叩禮興。兩廡贊禮郎引分獻官各詣

神位前上香。執事生奠帛獻爵畢。引分獻官復位如儀。樂止。武功之舞退。文舞執羽籥進。典儀贊行亞獻禮。司樂贊舉亞獻樂。奏嘏平之章。樂作。舞羽籥之舞。司爵奉爵獻於左。如初獻儀。樂止。典儀贊行終獻禮。司樂贊舉終獻樂。奏富平之章。樂作。司爵奉爵獻於右。如亞獻儀。兩廡以次獻畢。樂止。文德之舞退。典儀贊

賜福胙。執事生二人奉福胙進。至

神位前拱舉。由中道出。降階。詣拜位。右立。接福胙。執事二人。由西廡降階進。至拜位左右。贊禮郎贊跪。承祭官跪。左右執事生皆跪。贊飲福酒。右者進福酒。承祭官受爵拱舉。授於左。以次受胙。如飲福之儀。畢。贊禮郎贊叩興。承祭官三叩興。又贊跪叩興。承祭官暨分獻官均行三跪九叩禮。興。典儀贊徹饌。司樂贊舉徹饌樂。奏盈平之章。樂作。徹饌畢。樂止。典儀贊送

神。司樂贊舉送

神樂。奏豐平之章。樂作。贊禮郎贊跪叩興。承祭官暨

分獻官均行三跪九叩禮興。樂止。典儀贊奉祝帛饌送燎。司祝司帛詣

神位前。咸跪三叩。司祝奉祝。司帛奉篚興。司香跪奉香。司爵跪奉饌興。以次恭送燎所。兩廡香帛饌均送焚燎。贊禮郎分獻官退。承祭官避立拜位之西。俟祝帛過復位立。典儀贊望燎。贊禮郎引承祭官詣燎所望燎。贊禮郎告禮畢。太常寺官

恭請

太歲神位並兩廡

神位復於龕內如儀各退。○乾隆十六年覆准各壇

祀神。均有上香之儀。

太歲月將同屬

天神。則升馨求陽。不應與他祭異。况偶逢祈雨。致祭太歲。禮節現載上香。其迎祖二祭。應照

神祇壇例。交工部製造鑪鐙。嗣後孟春歲除二祭。遣官致祭。行上香禮。兩廡分獻。太常寺官亦隨上香。以昭畫一。○十八年奏准。

太歲殿舊例。祭時以黃紙書年建神牌。祭畢。與祝帛同焚。嗣後於殿廡內供奉神牌神龕。前列神座。祭時請神牌奉安神座。祭畢復龕。如恭遇

皇帝上香。不請神牌出龕。庶於禮意允協。奉

旨。太歲月將神牌。照所奏安奉。永為定例。○二十年奏
准。

太歲殿舊例。遣太常寺堂官行禮。嗣後改遣親王郡
王。以昭誠敬。○又奏准。

太歲殿兩廡分獻。舊例太常寺廳員行禮。今承祭官
既改遣親王郡王。而兩廡分獻官仍派廳員。於
禮制未協。嗣後用太常寺堂官分獻。

祈報

天神

地祇

太歲三壇禮節。凡祈晴祈雨祈雪。皆

三壇並舉。有司豫日諏吉。遣官將事。文武官應陪祀

者。咸與。每壇各以三之一陪祀。前期各於邸第

致齋一日。太常寺具祝文。翰林院撰擬。備脯醢果饗。

潔壇壝內外。祀日五鼓。太常寺卿率屬入壇。設

雲師

雨師

風伯

雷師凡四案於

天神壇正中。南嚮。每案陳鹿脯。鹿醢。兔醢。麋。棗。葡萄。葡萄
桃實。蓮實。其前各設香案。皆鑪一。鐙二。設案一
於南少西。供祝版。又東設一案。陳禮神制帛四。
色青一。黑一。黃一。白一。香盤四。爵十二。凡帛實於籩
尊實酒。承以舟。疏布。器勺具。設洗於階下之東。
設燎鑪於內壝內左門外。樂部率太常寺協律
郎設樂懸於階下之南。鑄鐘編鐘在東。祝從。特
磬編磬在西。敵從。東應鼓一。麾一。琴瑟笙簫笛
壎篪搏拊之屬。東西分列。陳樂舞於樂懸之次。
均北面如式。設。

五嶽

五鎮

五陵山

四海

四瀆凡五案於

地祇壇中。北嚮設

京畿名山大川天下名山大川凡二案於壇左右。

東西嚮每案薦脯醢果實。分陳爵六十。實酒。其

前設香案。皆鑪一。鐙二。中少西設一案。供祝版。

東設一案。陳禮神制帛十六。

鎮。皆青赤黃白黑五

各一。京畿名山。四海青赤白黑各一。香盤四。尊四。爵

十二。西設一案。陳禮神制帛十一。白五。五陵山。

清。各黑一。天下名山。大川。白一。黑一。香盤三。尊三。爵九。凡帛每

案同篚。凡尊實酒。疏布幕勺具。設洗於階下之

西。為瘞坎於內壝北門外。樂部率太常寺協律

郎設樂懸於階下之北。鑄鐘編鐘在西。祝從。特

磬編磬在東。敔從。西應鼓一。麾一。琴瑟笙簫笛

壎箴搏拊之屬。東西分列。陳樂舞於樂懸之次。

均南嚮。設案一於

太歲殿正中。南嚮。恭請

神位於神龕內。奉安於神座。薦脯醢果實。陳祝案尊案樂懸樂舞。與春冬常祀同行禮執事位。

天神壇承祭官位南階下正中。陪祀官位內壇南門外。東西各五班。重行異等。東位西上。西位東上。均北面。太常寺司祝一人。立祝案西。東面。司香司帛司爵各二人。立尊案之東。西面。司香司帛司爵各二人。立尊案之西。東面。典儀一人。立東階下。西面。司樂協律郎樂工歌工舞佾。依懸序立如常位。糾儀御史二人。禮部祠祭司官二人。分立階上左右。又御史二人。禮部祠祭司官二

人。鴻臚寺官二人。分列陪祀官拜位左右。均東西面。掌燎官率燎人立燎鑪之東南隅。

地祇壇。承祭官位北階下正中。陪祀官位內壝北門外。東西各五班。均南面。太常寺司祝一人。立祝案西。東面。司香四人。司帛四人。司爵四人。立東案東。司香三人。司帛三人。司爵三人。立西案西。典儀一人。立西階下。東面。司樂協律郎樂工歌工舞佾。依懸序立如常位。糾儀御史。禮部司官各四人。鴻臚寺官二人。分立承祭官陪祀官拜位左右。掌瘞官率瘞人立瘞坎之西北隅。

太歲壇。承祭陪祀執事各官位。以次序列。與常祀同。
漏未盡。承祭官暨陪祀執事各官。咸素服。各詣
壇祇俟。每壇贊引太常寺贊禮郎二人。豫俟於
門。質明。太常寺卿詣

天神

地祇神庫上香行禮。太常寺官屢分詣各
神位前跪。三叩興。恭奉入壇。設石座內。

天神壇

雲師左。

雨師右。

風伯次左。

雷師次右。

地祇壇。

五嶽居中。

五鎮右。

五陵山左。

四海次右。

四瀆次左。均北面。

京畿名山居東。

京畿大川次東。均西嚮。

天下名山居西。

天下大川次西。均東嚮。安訖。跪叩如初。退。

天神壇。贊禮郎引承祭官自外壝南左門入。內壝南左門。贊盥洗。承祭官盥手如儀。引詣階下。鴻臚寺序班引陪祀官至內壝南門外。典儀贊樂舞生登歌。執事官各共乃職。武舞執干戚進。贊禮郎贊就位。承祭官暨陪祀官咸就拜位立。典儀贊迎。

神司香奉香進。至案前祇俟。司樂贊舉迎。

神樂奏祈豐之章。樂作。贊禮郎贊升壇。引承祭官升。

東階詣

雲師香案前立。贊跪。承祭官跪。贊上香。司香跪奉香。承祭官上炷香。次三上瓣香。興。以次詣

雨師

風伯

雷師案前上香畢。贊復位。引承祭官降階復位。贊跪。叩興。承祭官暨陪祀官三跪九叩興。樂止。典儀贊奠帛爵。行初獻禮。司樂贊舉初獻樂。奏華豐之章。有司揭尊罍。勺挹酒實爵。樂作。司樂舉節。舞千戚之舞。司帛奉篚進。至各案前。跪獻於案。

三叩興。司爵奉爵詣各案北。跪奠於墊中。皆退。
司祝詣祝案前跪。三叩興。奉祝版跪案左。樂暫
止。贊禮郎贊跪。承祭官暨陪祀官皆跪。典儀贊
讀祝。司祝讀祝畢。興。以祝版跪安於篚內。三叩
興。退。樂作。贊禮郎贊叩興。承祭官暨陪祀官行
三叩禮興。樂止。武功之舞退。文舞執羽籥進。典
儀贊行亞獻禮。司樂贊舉亞獻樂。奏興豐之章。
樂作。舞羽籥之舞。司爵奉爵各奠於左。如初獻
儀。獻畢。樂止。典儀贊行終獻禮。司樂贊舉終獻
樂。奏儀豐之章。樂作。司爵奉爵各奠於右。如亞

獻儀獻畢。樂止。文德之舞退。典儀贊徹饌。司樂贊舉徹饌樂。奏和豐之章。樂作。有司徹饌畢。樂止。典儀贊送。

神司樂贊舉送

神樂奏錫豐之章。樂作。贊禮郎贊跪叩興。承祭官暨陪祀官均行三跪九叩禮興。樂止。典儀贊奉祝帛送燎。司祝跪奉祝。司帛跪奉篚。三叩興。司香跪奉香興。以次恭送燎所。承祭官避立拜位東。俟過復位。典儀贊望燎。贊禮郎引承祭官出壝。南左門望燎。禮畢。仍由外壝南左門出退。

地祇壇贊禮郎引承祭官自外壇南右門入。循壇東入內壇北右門。贊盥洗。承祭官盥手。引詣階下。鴻臚寺序班引陪祀官至內壇北門外。典儀贊樂舞生登歌。執事官各共乃職。武舞執干戚進。贊禮郎贊就位。承祭官暨陪祀官咸就拜位立。典儀贊迎。

神。司香奉香以次進至案前祇俟。司樂贊舉迎。

神樂。奏祈豐之章。樂作。贊禮郎贊升壇。引承祭官升。

東階詣

五嶽香案前立。贊跪。承祭官跪。贊上香。司香跪奉香。

承祭官上炷香。次三上辦香。興。次詣

五鎮

五陵山

四海

四瀆

京畿名山大川

天下名山大川案前上香畢。贊復位。引承祭官降階復位。贊跪叩興。承祭官暨陪祀官三跪九叩興。樂止。典儀贊奠帛爵。行初獻禮。司樂贊舉初獻樂。奏華豐之章。有司揭尊罍。勺挹酒實爵。樂

作。司樂舉節。舞干戚之舞。司帛奉篚進。至各案前。跪獻於案。三叩興。司爵奉爵詣各案南。跪奠於墊中。皆退。司祝詣祝案前跪。三叩興。奉祝版跪案左。贊禮郎贊跪。承祭官暨陪祀官皆跪。典儀贊讀祝。司祝讀祝畢。興。以祝版跪安於正中篚內。叩如初。興。退。樂作。贊禮郎贊叩興。承祭官暨陪祀官行三叩禮興。樂止。武功之舞退。文舞執羽籥進。典儀贊行亞獻禮。司樂贊舉亞獻樂。奏興豐之章。樂作。舞羽籥之舞。司爵奉爵各奠於左。如初獻儀。獻畢。樂止。典儀贊行終獻禮。司

樂贊舉終獻樂。奏儀豐之章。樂作。司爵奉爵各奠於右。如亞獻儀。獻畢。樂止。文德之舞退。典儀贊徹饌。司樂贊舉徹饌樂。奏和豐之章。樂作。有司徹饌畢。樂止。典儀贊送

神。司樂贊舉送

神樂。奏錫豐之章。樂作。贊禮郎贊跪叩興。承祭官暨陪祀官均行三跪九叩禮興。樂止。典儀贊奉祝帛送瘞。司祝跪奉祝。司帛跪奉篚。三叩興。司香跪奉香興。以次恭送瘞所。承祭官避立拜位。西俟過復位。典儀贊望瘞。贊禮郎贊詣望瘞位。鴻

臚寺官引陪祀官退。贊禮郎引承祭官出壇北
右門望瘞。禮畢。仍由壇南右門出。退。

太歲壇。贊禮郎引承祭官由拜殿南左門入。出北左
門。盥畢。暨陪祀官咸就拜位。迎。

神樂奏需豐之章。初獻樂奏宜豐之章。亞獻樂奏晉
豐之章。終獻樂奏協豐之章。徹饌樂奏應豐之
章。送。

神樂奏洽豐之章。凡儀節皆典儀唱贊。舉樂皆司樂
唱贊。初獻舞干戚之舞。亞獻終獻舞羽籥之舞。
兩廡不分獻。不飲福受胙。餘儀與常祀同。禮成。

太常寺卿率屬恭請各壇

神位還御如儀。及報祀承祭以原遣官。詠吉致齋具

祝文。

翰林院撰擬。

潔壇壝如初。先一日割牲。御史禮

部司官光祿寺大官署正朝服視宰。宰人瘞毛血如儀。祀日五鼓。太常寺卿率屬入

天神

地祇

太歲壇具器陳。均牛一。羊一。豕一。每案登一。釧一。簋
簋各二。籩十。豆十。鑪一。鐙二。樂部率太常寺協
律郎陳設樂懸及樂舞於階下之南。東西分列。

各依其次如式。祝帛香尊爵陳設。祀官及執事官立位。均如初。陳設畢。太常寺博士引禮部侍郎一人升壇省視牲牢粢盛如儀。質明。太常寺官恭請各壇

神位奉安如儀。承祭官暨陪祀執事各官皆朝服就位。迎。

神初獻。讀祝。亞獻。三獻。徹饌送。

神視燎行禮儀節及樂章樂舞均與祈禱禮同。○乾隆七年奏准。

天神

地祇壇增撰樂章。所有應用樂器照例增設。九年

奏准。

天神

地祇壇向未專設祭器樂器嗣後增設以昭誠敬。

十七年奏准。

天神

地祇壇本無專祀。惟祈雨則祇告於壇而不奏樂。自乾隆七年始增樂章。揆之一應因事祇告之禮均不作樂。殊未畫一。至甘雨霑足報祭之時。用酒果脯醢與祈告相同。又與報祭之禮未稱嗣。

後各壇告祭。停止作樂。至報祭時。均加籩豆牲
牢。即將

天神

地祇壇樂章。用於報祭。○十八年

諭祭禮用樂。以導和氣而格神祇。乃事神之禮。與齋戒
微懸。自致誠恪。其義各異。且樂足以通陰陽之氣。祈
雨致祭。仍以用樂為是。○又議准。

太歲殿現在樂章。乃新正歲除通用。與祈禱雨澤之
義。全不相涉。交樂部別撰樂章。照

神祇壇皆用豐字。以昭畫一。○四十八年奏准。

三壇祈禱。向例齋戒二日。但祈雨本無常期。而隨時具舉。則其事至重。在承祭大臣固無不齋宿致虔。所有陪祀大小臣工。均應在公署齋宿。以致明潔誠敬之意。

欽定大清會典事例卷一千八十一

太常寺

禮節

皇帝親報祀

親祭天神壇禮節
嶽廟禮

節

皇帝時巡遣官祭

嶽鎮禮節
大川禮

節

慶典遣官祭告

嶽鎮海瀆禮節

皇帝親報祀

天神壇禮節○嘉慶二年奏准祭日日出前六刻太

常寺卿赴

乾清門奏時。

皇帝御祭服乘禮輿出宮前引後扈如常儀。

駕至

先農壇入外垣東門

神祇壇門中門內降輿。左贊引。右對引。太常寺卿二人。恭導。

皇帝至壇南門外盥洗。司拜褥官豫布拜褥於壇上。拜次贊引對引官恭導。

皇帝由壇南門中門入。升壇。就拜位前北嚮立。司拜牌官跪安拜牌。退。典儀贊樂舞生就位。執事官各共乃職。武舞執干戚進。贊引奏就位。

皇帝就位立。典儀贊迎。

神。司香奉香進至。

神位前祇候。司樂贊舉迎。

神樂奏祈豐之章。樂作。司拜牌官跪起拜牌。退。贊引奏就上香位。暨對引官恭導。

皇帝詣

雲師香案前立。對引官至祝案前止立。贊引官贊上香。

皇帝上炷香。次三上瓣香。以次詣

雨師

風伯

雷師位前上香畢。贊引奏復位。暨對引官恭導。

皇帝復位。司拜牌官跪安拜牌。退。贊引官奏跪拜興。
皇帝行二跪六拜禮興。樂止。典儀贊奠帛爵。行初獻禮。司帛官奉篚。司爵官奉爵。以次至案前恭俟。
司樂贊舉初獻樂。奏華豐之章。樂作。舞千戚之舞。司帛跪獻篚。奠於案。三叩退。司爵跪獻爵於墊中。興退。司祝至祝案跪。三叩興。奉祝版跪案左。樂暫止。贊引奏跪。

皇帝跪贊讀祝。司祝讀祝畢。奉祝版至

神位前。跪安於篚。三叩退。樂作。贊引奏拜興。

皇帝行三拜禮興。樂止。武舞退。文舞執羽籥進。典儀贊行亞獻禮。司樂贊舉亞獻樂。奏興豐之章。樂作。舞羽籥之舞。司爵跪獻於左。退。樂止。典儀贊行終獻禮。司樂贊舉終獻樂。奏儀豐之章。樂作。司爵跪獻於右。退。樂止。文舞退。典儀贊徹饌。司樂贊舉徹饌樂。奏和豐之章。樂作。徹畢。樂止。典儀贊送。

神。司樂贊舉送。

神樂。奏錫豐之章。樂作。贊引奏跪拜興。

皇帝行二跪六拜禮。樂暫止。典儀贊奉祝帛饌送燎。

司祝司帛跪三叩。司祝奉祝。司帛奉帛。司香跪奉香。司爵跪奉饌。興。以次恭送燎所。司拜牌官跪起拜牌。

皇帝轉立東旁。司拜褥官跪起拜褥。俟祝帛香饌過畢。司拜褥官仍跪布拜褥。退。

皇帝還位立。司拜牌官仍跪安拜牌。退。典儀贊望燎。司拜牌官跪起拜牌。退。樂作。贊引奏詣望燎位。暨對引官恭導。

皇帝出境南門中門。就望燎位望燎。贊引奏禮成。暨對引官恭導。

皇帝至降輿處升輿還宮。

謹案祈報官將事嘉慶二年因早

三壇例遣

遂擇吉

親詣

天神壇祈雨

天神壇行報祀禮事命下即雨

非常例謹附載於此

○十六年

諭向來

三壇內有太常寺印宅公所。禮部太常寺執事官及壇戶等。均由北街門出入。除遇朕親詣致祭之日。各官俱改由南街門出入。關閉北街門。不准行走外。餘日仍著照常由北街門出入。

皇帝時巡

親祭

歲廟禮節。○豫期。守土官潔掃廟宇內外。先一日。

皇帝乃齋。扈從王公百官。地方文武官。應與祭者。畢

齋。

行在太常寺具祝文。

翰林院撰擬。

內閣中書恭書。視割牲

儀與祭

帝王陵寢同。祭之前夕。守土官各因其方為瘞坎於廟門之外。工部官張黃幄於廟戟門內之左。鑿儀衛官設洗於幄次。夜分。太常寺卿屬率守土官入廟供具陳。

神位前。牛一。羊一。豕一。登一。鉶一。簋簋各二。籩豆各

十。鑪一。鐙二。設二案。一少西。北嚮。供祝版。一東

次西嚮。陳禮神制帛一。

色各隨其方。

香盤一。尊一。爵

三。冪勺具。樂部率太常寺協律郎設中和韶樂於廟階上。編鐘在東。應鼓一。祝一。麾一。編磬在西。敔一。東西分列琴四。瑟二。簫四。篪二。排簫二。笙四。壎二。搏拊二。如式。乃辨位。設

皇帝拜位於廟內正中。北嚮。司拜禱官二人。立於左。稍後。陪祀王公位階上。百官位階下。東西序立。重行異等。均北面。司祝。司帛。司香。司爵。分立祝案。尊。案之次。司樂。協律郎。歌工。樂工。分立樂懸。

之次。記注官四人。立西階下。東面。御史。禮部司
官。鴻臚寺官各二人。分立王公百官拜位左右。
東西面。典儀一人。立東階上。西面。掌瘞官率瘞
人。立於瘞坎之隅。

駕至廟。不陪祀。守土官跪迎。

皇帝於大門內降輿。右贊引。左對引。太常寺卿二人。
恭導

皇帝由戟門中門入。至幄次。少俟。出盥手。鑿儀衛官
跪。奉盥奉巾如儀。司拜褥官。豫布拜褥。贊引對
引官恭導

皇帝升中階。入殿中門。詣拜位前立。內大臣侍衛止立階下。後扈大臣隨侍。鴻臚寺官引陪祭王公百官。按班均就拜位序立。典儀贊樂工登歌。執事官各共乃職。贊引奏就位。

皇帝就位立。典儀贊迎。

神司香奉香進至香案前。祇候。司樂贊舉迎。

神樂奏祈豐之章。樂作。贊引奏就上香位。暨對引官。

恭導

皇帝詣香案前立。對引官至祝案前止立。贊引奏上香。司香跪進香。

皇帝上炷香。次三上辨香畢。奏復位。恭導。

皇帝復位立。奏跪拜興。

皇帝行二跪六拜禮。王公百官均隨行禮。樂止。典儀贊行初獻禮。有司揭尊罍。勺挹酒實爵。司樂贊舉初獻樂。奏華豐之章。樂作。司帛奉篚。司爵奉爵。以次詣。

神案前。司帛跪獻篚。奠於案。三叩興。司爵立獻爵於墊中畢。皆退。司祝詣祝案前跪。三叩。奉祝版跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。讀畢興。以祝版。

跪安於篚內。叩如初。興退。樂作。贊引奏拜興。

皇帝率羣臣行三拜禮興。樂止。典儀贊行亞獻禮。司樂贊舉亞獻樂。奏興豐之章。樂作。司爵奉爵獻於左。如初獻。獻畢。樂止。典儀贊行終獻禮。司樂贊舉終獻樂。奏儀豐之章。樂作。司爵奉爵獻於右。如亞獻儀。樂止。典儀贊徹饌。司樂贊舉徹饌樂。奏和豐之章。樂作。有司徹饌畢。樂止。典儀贊

送

神。司樂贊舉送

神樂。奏錫豐之章。樂作。贊引奏跪拜興。

皇帝率羣臣行二跪六拜禮興。樂止。典儀贊奉祝帛送瘞。司祝司帛詣

神位前。咸跪三叩。司祝奉祝。司帛奉篚。司香跪奉香。興。以次恭送瘞所。

皇帝轉立拜位旁。西嚮。俟過。復位立。祝帛出。贊引奏禮成。暨對引官恭導。

皇帝降中階。出中門。乘輿還行宮。○康熙二十三年。

聖祖仁皇帝東巡。

躬祭

泰嶽太常寺備祝版。用白紙黃緣墨書。祝版內不書御名。祝版由翰林院撰擬。香帛爵由太常寺齋往。祭器祭品牲醴由守土官豫備。○乾隆十二年議准。

聖駕巡幸山東。

泰山靈嶽。近在魯邦。宜崇報享。古者因名山以升中。原有燔柴之禮。

聖祖仁皇帝因儀文度數。書闕有閒。後世議封禪者。尤多傳說不經。

特允廷議。照祀。

五嶽禮致祭。今

聖駕東巡致祭

泰山應遵康熙二十三年之例舉行。惟是致祭方嶽。向未用樂。謹案周禮大司樂。奏蕤賓。歌函鍾。舞大夏。以祭山川。是山川之祭。自古用樂。今

特舉盛典。秩於

岱宗。請仿古用樂。樂章令樂部撰擬。樂器樂生。均由樂部率往。○又奏准。祈雨報祀。

地祇。向用中和韶樂。

五嶽均屬

地祇。應用中和韶樂。擬照

地祇壇樂章宮譜增撰。並令太常寺協律郎率樂生

豫赴

岱廟。先期演習。○又議准。

岱宗應用中和韶樂。其樂章交樂部撰擬。樂工令樂部太常寺帶往。其中和樂器。除笙簫壎篪等件帶往外。凡鐘磬琴瑟等大件。行令該督撫於泰安等府學宮現設樂器揀選移用。○十四年議准。

聖駕巡省中州。嵩高維嶽。禮宜展虔。所有享祀

中嶽樂章。禮神供帳。及應需一應器物。交樂部太常

寺遵照

東巡祭

岱宗之禮。先期敬謹辦理。○十五年奏准。

聖駕親祀

嶽廟係

行在不閱祝版。由內閣派中書一員到彼繕寫。前期一日。太常寺恭奉祭所供設。○又奏准。

聖駕巡幸中州致祭

嵩嶽。應用樂器。交河南巡撫轉飭該地方官豫備。其樂舞生。太常寺自行帶往。○十九年奏准。

聖駕東巡吉林。

親望祭

長白山照祭

嵩嶽之禮。用中和韶樂。專撰樂章。其樂生即用樂部署史。太常寺官員屆期先往。

盛京會同該將軍收儲樂器。照應用數目送往致祭。其香帛祝版祭器等項。均由各衙門敬謹辦理。○又奏准致祭

長白山。向用紙牌。嗣後照

京師

地祇神牌式。造木牌。鐫刻清漢字。安奉殿內。

皇帝親祭後。即永遠祇奉。每月朔望。令該將軍副都

統二人。上香行禮。○又奏准。

聖駕東巡

親祭

北鎮醫巫閭山。一應典禮。均如祭

嶽廟之儀。惟不用樂。○又奏准。

聖駕巡幸吉林。

親祭

長白山。太常寺派贊禮郎六員。隨同禮部堂官。先往

演習禮儀以襄祭祀。

皇帝時巡遣官祭

嶽鎮禮節。太常寺具祝文。

翰林院撰擬。

帛香。授遣官齋

往祭所。守土官豫期潔埽廟宇內外。戒備牲牢器物。執事人司祝司帛司香司爵以府州縣佐貳官通贊以教諭訓導引贊以學弟子員充祭。先一日遣官暨執事官齋。其夕寗人割牲於廚。地方官州縣一人公服視宰。瘞毛血如儀。祭日昧爽守土官率饌人入廟供具。

神位前牛一。羊一。豕一。登一。釧一。簋簋各二。籩豆各

十。鑪一。鐙一。設案於左。陳禮神制帛一。其色各隨其方。

香盤一。尊一。爵三。設一案於中少西。供祝版。設洗於階東。引贊二人俟於門。質明。執事官豫入就位。均朝服。遣官亦朝服詣廟。引贊引入。詣東階下盥手。升階。至階中北面。通贊贊就位。遣官就拜位立。贊迎。

神。引贊引遣官入殿左門。詣香案前。贊跪。遣官跪。贊上香。司香跪奉香。遣官上炷香。三上。辨香興。贊復位。遣官復位。贊跪拜興。遣官行二跪六拜禮。贊行初獻禮。司帛奉篚跪獻於案。三叩興。司爵

奉爵奠於正中。皆退。贊讀祝。引贊贊跪。遣官跪。司祝至祝案前跪。三叩。奉祝版宣讀畢。復於案。叩如初。興退。贊叩興。遣官行三叩禮。興。通贊贊行。亞獻禮。司爵奠爵於左。贊行終獻禮。司爵奠爵於右。均如初儀。贊送。

神。引贊贊跪叩興。遣官行二跪六叩禮。興。通贊贊奉祝帛送瘞。執事官各奉祝帛香。由中道送瘞如儀。遣官避立拜位東。俟過復位立。引贊引遣官視瘞。禮畢。引遣官出。執事官皆退。○康熙四十

二年。

聖祖仁皇帝西巡至潼關遣官致祭

西嶽華山祭文由翰林院撰擬香帛由太常寺齋往祭品由地方官豫備祭儀照因事遣祭方嶽之禮。

時巡所經遣官祭

名山

大川禮節○遣官各一人致祭太常寺具祝文

翰林

院撰香帛投遣官齋往祭所守土官豫期埽潔

廟宇備品物執事人祭日陳設並行禮儀節均與遣祭

嶽鎮禮同。○康熙三十五年奏准。

聖祖仁皇帝北征。

駐蹕噶爾圖。遣大學士致祭。

山川風雨之神。及出卡倫。遣祭域外。

山川之神。並告祭。

風雨之神。

聖駕至克魯倫河。遣祭。

河神。均與因事遣祭。

嶽瀆禮同。○三十六年。

聖祖仁皇帝西巡山陝。所過。

名山大川均遣官致祭。

駐蹕保德州遣官致祭

黃河之神。

聖駕至橫城復遣大學士致祭均與因事遣祭

河瀆禮同。○乾隆十五年奏准。

聖駕巡幸中州在河陽及柳園口二處渡河經行輝縣

百泉河衛二水屬豫地經流川瀆在

聖駕經行三十里以內屆時循例遣官展虔轉飭有司

屆期於傍河相地設壇遣官祇行祭禮祭文由

翰林院撰擬香帛由太常寺帶往祭品由地方

官豫備。○又奏准。

聖駕於十三年東巡。

東嶽岱宗已。

躬親展虔。今將南巡浙江。經行山東。應照常祭禮。遣官致祭。

岱宗。又黃河自入江南境。經邳宿而東。至小清口。淮水會之。江流經揚鎮二府而東。皆。

鑿輿所必經。古者天子巡狩。致祭所過。名山大川。以昭望徧。今。

聖駕南巡。由宿遷登舟。逾淮揚抵浙江。

河瀆

淮瀆

江瀆之祇。並宜致祭。行文該省督撫。飭守土官於黃河江淮擇地設壇。屆時遣官致祭。再浙江海塘。聖駕親臨閱視。又會稽山為東南望鎮。附近皆有專祠。逢茲百神懷柔之會。一同遣祭如禮。用昭盛典。

○又奏。

聖駕南巡。經由江浙。每渡江河。應遣官上香行禮。奉旨。朕親詣上香。○十九年奏。

聖駕致祭

長白山畢。乘舟渡松花江。應照南巡渡江河之例。遣官上香行禮。奉

旨。朕親詣上香。○又奏准。吉林東門外有望祭

北海之處。為

鑾輅所必經。照例遣官致祭。祭文祭器等項。由部行文各該處遵照辦理。

慶典遣官祭告

嶽鎮海瀆禮節。○豫期。有司誦吉遣官。屆日。太常寺

具禮神香祝制帛各一。

五嶽
四海帛各隨方色。

色四瀆。送禮部各加封題。分授遣官。遣官至所

祭地。守土官潔壇廟。具牲牢器物。備執事人。遣
官暨執事官齋。祭日。有司供具陳設。上香讀祝。
行三獻禮。如

皇帝時巡遣官致祭

嶽鎮儀。

欽定大清會典事例卷一千八十二

太常寺

禮節

祭

先醫禮節
司火神禮節

祭

真武廟禮節
礮神禮節

祭
都城隍神禮節

祭
龍神禮節

祭

東嶽廟禮節
祭玉泉山龍

神禮節

祭
龍神禮節

祭
昆明湖

祭
龍神禮節

祭

祭
白龍

河神廟禮節

祭
冥神

祭
后土神

祭

工神禮節
祭賢良祠

禮節
迎吻祭

祭
京師功臣

祭
專祠禮節

祭

祭
昭忠

祠禮節
名臣勳臣祠墓禮節

祭

先醫禮節。○每歲春二月冬十一月上甲日。遣官致

祭

先醫於太醫院署之

景惠殿。豫日太常寺官具祝版視割牲。太醫院官
潔除殿內外。祀日五鼓。太常寺官具器陳。正殿
太昊伏羲氏

炎帝神農氏

黃帝軒轅氏位前。各設一案。每案銅二。簠二。簋二。籩
十。豆十。共牛一。羊一。豕一。前設香案一。陳鑪一。
鐙二。配位東

句芒

風后。西

祝融

力牧位前。東西各設一案。每案鉶二。簋一。簋一。籩十。豆十。羊一。豕一。鑪一。燈二。殿中少西設一案。

北嚮。供祝版。東設一案。西嚮。陳禮神制帛三。色白。

香盤三。爵九。尊二。西設一案。東嚮。陳帛二。色白。香

盤二。爵六。尊一。凡牲陳於俎。凡帛實於篚。凡尊

實酒承以舟。疏布冪勺具。東廡。餼貸季岐。伯伯

高。少師。雷公。伊尹。淳于意。華陀。皇甫謐。巢元方

韋慈藏。錢乙。劉完素。李杲。西廡。鬼史。區俞。跗少

俞。桐君。馬師皇。扁鵲。張機。王叔和。葛洪。孫思邈。
王冰。朱肱。張元素。朱彥修。位前。東西廡各分設。
三案。每案簋一。盞一。籩四。豆四。瓊十。豕肉二。東。
西各統設一案。陳鑪一。鐙二。設案一於南。北嚮。
陳素帛一。香盤一。尊一。爵三。篚。畧。勺。具。太常寺。
官設洗於咸濟東門內。和聲署設樂於西階下。
承祭官拜位在殿階上。讀祝拜位在殿內正中。
兩廡太醫院分獻官位甬道左右。太常寺司祝。
司帛。司香。司爵。分立祝案。尊。案。之次。典儀立殿。
外東階。掌燎率燎人立於燎鑪東。昧爽。司祝奉。

祝版安於祝案。承祭官暨分獻官咸朝服。豫俟。太醫院鴻臚寺官引陪祀太醫院官入咸濟門。內左右祇俟。至時。太常寺贊禮郎二人引承祭官入咸濟東門。分獻官隨入。贊盥洗。承祭官盥手畢。引至拜位前立。典儀贊執事官各共乃職。贊禮郎贊就位。承祭官暨分獻官陪祀官就位。立。典儀贊迎。

神樂作。贊禮郎引承祭官由殿左門入。詣正中香案前。贊跪。承祭官跪。贊上香。司香跪奉香。承祭官上炷香。三上辨香興。以次詣左右正位前上香。

如儀配位。司香官分詣各案前跪上香。兩廡贊禮郎引分獻官分詣兩廡位前上香畢。贊復位。承祭官復位。兩廡分獻官各復位立。贊跪叩興。承祭官行三跪九叩禮。分獻官陪祀官均隨行禮興。典儀贊奠帛爵行初獻禮。有司揭尊罍。勺挹酒實爵。司帛奉篚。司爵奉爵。以次詣各

神位前。司帛跪奠篚於案。三叩興。司爵立獻爵奠於墊中畢。皆退。贊禮郎贊詣讀祝位。引承祭官就讀祝位立。司祝至祝案前跪。三叩興。奉祝版跪案左。樂暫止。贊禮郎贊跪。承祭官跪。分獻官陪

祀官咸跪。贊讀祝。司祝讀祝畢。奉祝版跪安。

太昊伏羲氏神位前。籩內叩如初。興退。樂作。贊禮郎贊叩興。承祭官分獻官陪祀官均行三叩禮。興贊復位。引承祭官復位立。配位及兩廡執事生奠帛。獻爵畢。各退。典儀贊行亞獻禮。正位司爵配位及兩廡執事生各奠爵於左。如初獻儀。典儀贊行終獻禮。正位司爵配位及兩廡執事生各獻爵於右。如亞獻儀。典儀贊徹饌。有司徹畢。贊送。

神贊禮郎贊跪叩興。承祭官分獻官陪祀官均行三

跪九叩禮興。典儀贊奉祝帛饌送燎。司祝等官奉祝帛香饌及兩廡香帛饌。以次恭送燎所如儀。贊禮郎引分獻官。鴻臚寺引陪祀官皆退。承祭官避立拜位旁西面。俟祝帛過復位立。典儀贊望燎。贊禮郎引承祭官由咸濟東門出。詣燎位視燎。贊禮郎贊禮畢。樂止。承祭官退。執事各官皆退。○雍正十二年議准。春冬二季致祭先醫廟。其太醫院御醫吏目等官咸齋戒陪祀。

祭

真武廟禮節。○每歲

萬壽聖節遣官一人詣

顯佑宮將事。是日廟祝潔埽廟宇內外。太常寺官具器陳設果盤五。餅餌盤十有五。鑪一。鐙二。設案一於南少西北嚮。供祝版。設案一於東西嚮。陳禮神制帛一。白香盤一。茶棧三。設洗於東階下少南。和聲署設樂於西階上。承祭官拜位在殿內正中。司祝司帛司香司棧各一人。分立祝案尊案之次。典儀立於殿東檐下。掌燎率燎人立燎鑪之南。黎明承祭官朝服詣廟。贊引太常寺贊禮郎二人引承祭官由左側門入。贊盥洗。

承祭官盥手畢。升東階。入殿左門。至拜位前北
面立。典儀贊執事官各共乃職。贊禮郎贊就位。
承祭官就位立。典儀贊迎。

神樂作。贊禮郎贊詣上香位。引承祭官詣香案前
立。贊上香。司香跪進香。承祭官上炷香。三上辦
香畢。贊復位。引承祭官復位。贊跪叩興。承祭官
行三跪九叩禮興。典儀贊行初獻禮。司帛司琖
各進至

神位前。司帛奉篚跪奠於案。三叩興。司琖奉茶琖
立獻於案正中。皆退。司祝至祝案前跪。三叩興。

奉祝版跪案左。樂暫止。贊禮郎贊跪。承祭官跪。贊讀祝。司祝讀祝畢興。以祝版跪安篚內。叩如初。興退。樂作。贊禮郎贊叩興。承祭官行三叩禮。興。典儀贊行亞獻禮。司琖奉茶琖獻於左。如初獻儀。退。贊行終獻禮。奉茶琖獻於右。如亞獻儀。退。典儀贊送。

神贊禮郎贊跪叩興。承祭官行三跪九叩禮。興。典儀贊奉祝帛送燎。司祝。司帛詣

神位前咸跪三叩。司祝奉祝。司帛奉篚興。司香跪奉香興。以次恭送燎所。承祭官避立拜位西旁。

俟祝帛過復位立。典儀贊望燎。贊禮郎引承祭官詣燎位視燎。贊禮畢樂止。引承祭官退。執事官皆退。○光緒十年奏准。每年

皇太后萬壽聖節遣官致祭

真武廟。

祭

司火神禮節。○歲六月下旬三日遣官一人將事。祀日廟祝潔掃廟宇內外。太常寺具祝版。備器陳。牛一。羊一。豕一。果實五盤。鑪。鐙具。殿中少西設一案。北嚮。供祝版。東設一案。陳禮神制帛一。

色尊一。爵三。香盤一。和聲署設樂於西階下。太常寺設洗於東階下。少南設承祭官拜位於殿內正中。司祝司香司帛司爵各立祝案尊案之次。典儀立殿東檐下。掌燎率燎人立於燎鑪旁。承祭官朝服行三跪九叩禮。升降均由東階。出入殿左門迎。

神。上香奠帛讀祝。三獻爵送。

神望燎儀均與祭。

真武同。○康熙二年定。祀用白色禮神制帛一。羊一。豕一。果品五盤。尊一。爵三。○雍正八年奏准。

每歲祀

大神廟。改少牢為太牢。○乾隆十八年奏准祀
火神。改用紅色禮神制帛。

祭

礮神禮節。○季秋朔日。於盧溝橋北席地為壇。遣
八旗漢軍都統或副都統將事。副都統以下至
佐領咸陪祀。豫日。地方官備案。太常寺具器陳
祀日。漢軍弁兵陳八旗礮位於壇內。按翼左右
序立。皆西嚮。前設八案。各設

神位。以紙為之。又前設牲案。各陳羊一。豕一。果實五盤。

琖三十。又前設香案。各陳鑪一。鐙二。壇中少北設一案。供祝文。左右分設二案。各陳香盤四。爵十有二。尊四。冪勺具。設洗於壇外之南。太常寺司祝。司香。司爵。各立祝案。尊案之次。承祭官位。各香案前東面。陪祀副都統以下以其班序。重行異等。均東面。典儀一人立於壇左。掌燎率燎人立燎鑪隅。黎明承祭官暨陪祀官咸補服詣壇。贊引太常寺贊禮郎各二人。分引承祭官至盥洗所盥手畢。詣各拜位前立。典儀贊執事官各共乃職。贊禮郎贊就位。承祭官各就位立。典

儀贊迎

神贊禮郎贊詣上香位。引各旗承祭官分詣各旗
礪位前。贊上香。司香跪奉香。承祭官上炷香。三
上辯香畢。贊復位。各引復位立。贊跪叩興。承祭
官行三跪九叩禮。陪祀官均隨行禮。典儀贊行
初獻禮。有司揭尊罍。勺挹酒實爵。各進至

神位前。奉爵立獻於案正中。退。司祝詣祝案前跪
三叩興。奉祝文跪案左。贊禮郎贊跪。承祭官暨
陪祀官咸跪。典儀贊讀祝。司祝讀祝畢。興。奉祝
文跪安於鑲黃旗礪位前。叩如初。興。退。贊禮郎

贊叩興。承祭官暨陪祀官均行三叩禮興。典儀贊行亞獻禮。司爵各奉爵獻於左。如初獻儀退。贊行終獻禮。司爵各奉爵獻於右。如亞獻儀退。典儀贊送。

神贊禮郎贊跪叩興。承祭官暨陪祀官均行三跪九叩禮興。典儀贊奉祝文送燎。有司各奉

神位在前。次祝。次香。由中道恭送燎所。承祭官各避立拜位左右。俟過復位立。贊禮郎贊望燎。引承祭官各詣燎位視燎。贊禮畢。引承祭官退。執事各官皆退。○康熙三十六年。征噶爾丹凱旋。

翼日遣官設壇於德勝門外。祭隨營。

礮位之神於正黃旗教場。各陳牛一。羊一。豕一。果五盤。奠帛。獻爵。讀祝文。致祭。火器營大臣官員皆陪祀。○乾隆十四年定。火器營礮位。於盧溝橋地方致祭。每年請

旨舉行。祭時共設一案。以火器營總統一人承祭。火器營官員咸補服陪祭。上香讀祝。獻爵。壘燎。均與漢軍祭礮儀同。○三十年奏准。每歲九月致祭。

礮神。用單紙繕寫祝文。與各羣祀體制未能畫一。

嗣後改用祝版以昭敬謹又致祭

礮神於盧溝橋外。非祠廟定所。向無專設祭器。嗣後致祭

礮神。交八旗漢軍都統。並滿洲火器營。將一切祭器會同敬謹。畫一辦理。以重祀典。

祭

都城隍神禮節。○每歲

萬壽聖節。遣官一人將事。是日廟祝潔掃廟宇內外。太常寺具祝版。備器陳牛一。羊一。豕一。果實五盤。鑪一。鐙二。設案一於殿中。少西。北嚮。供祝版。

設案一於殿東西嚮。陳禮神制帛一。色香盤一。
尊一。爵三。設洗於東階下。和聲署設樂於西階
上。承祭官拜位在階上正中。太常寺司祝司帛
司香司爵。分立祝案尊案之次。典儀立殿外東
檐下。掌燎率燎人立燎鑪之前。均如常儀。黎明
承祭官朝服詣廟。贊引太常寺贊禮郎二人引
承祭官由左側門入。贊盥洗。承祭官盥手畢。升
東階。至拜位前。北面立。典儀贊執事官各共乃
職。贊禮郎贊就位。承祭官就位立。典儀贊迎
神樂作。贊禮郎贊就上香位。引承祭官入殿中門。

至香鑪前立。贊上香。司香跪奉香。承祭官上炷香。三上辦香畢。贊復位。承祭官復位立。贊跪叩興。承祭官行三跪九叩禮興。典儀贊奠帛。爵行初獻禮。司帛跪獻篚於案。三叩興。司爵獻爵於正中。皆退。司祝詣祝案前三叩興。奉祝版跪案左。樂暫止。典儀贊讀祝。贊禮郎贊跪。承祭官跪。司祝讀祝畢。興。奉祝版跪安於篚內。叩如初。興退。樂作。贊禮郎贊叩興。承祭官行三叩禮興。典儀贊行亞獻禮。司爵奉爵獻於左。如初獻儀。退。典儀贊行終獻禮。司爵奉爵獻於右。如亞獻儀。

退典儀贊送

神贊禮郎贊跪叩興承祭官行三跪九叩禮興典儀贊奉祝帛送燎司祝司帛詣

神位前咸跪三叩奉祝帛興司香跪奉香興以次送至燎所承祭官避立拜位西俟祝帛過復位立典儀贊望燎贊禮郎引承祭官詣燎位視燎贊禮郎引承祭官仍由東側門出樂止各退歲秋諏吉遣官致祭

神位前陳釗二簋二簋二籩十豆十餘牲帛尊爵鑪登同前送

神時。典儀贊徹饌。有司乃徹。餘均如前儀。○光緒十年奉准。每年

皇太后萬壽聖節。遣官致祭。

都城隍廟。

祭

東嶽廟禮節。○每歲

萬壽聖節。遣官一人將事。是日。廟祝潔婦廟宇內外。太常寺官具祝版。備器陳。牛一。羊一。豕一。果實五盤。鑪一。鐙二。殿中少西設案。供祝版。東設一案。陳禮神制帛一。色青。香盤一。尊一。爵三。和聲署

設樂於西階上。太常寺設洗於東階下。少南承祭官拜位在階上正中。司祝司帛司香司爵典儀掌燎各以其職為位。承祭官朝服行禮。迎神。望燎。儀均與祭。

都城隍廟同。○光緒十年奏准。每年

皇太后萬壽聖節。遣官致祭。

東嶽廟。

祭黑龍潭。

龍神禮節。○歲春秋諏吉。遣官一人將事。是日太

常寺官具祝版。備器陳。羊一。豕一。籃盞各二。邊豆各十。鑪鐙具。殿中少南設案一。供祝版。北設一案。陳禮神制帛一。色香盤一。尊一。爵三。和聲署設樂於南階上。太常寺設洗於東階下之北。承祭官拜位在階上正中。司祝司帛司香司爵典儀掌燎各以其職為位。承祭官朝服行禮。迎神。上香。初獻讀祝。亞獻。三獻。徹饌送神。望燎儀均與秋祭。

都城隍廟同。○乾隆三十五年奉

旨。嗣後致祭黑龍潭神。遣內務府圓明園大臣承祭。

祭玉泉山

龍神禮節○歲以春秋仲月。與黑龍潭

龍神廟同日致祭。遣官一人將事。陳設牲牢品物。遣官行禮儀節。及所用樂辭。均與祭黑龍潭

龍神同。惟制帛用白色。

祭昆明湖

龍神禮節○歲以春秋仲月致祭。遣官一人將事。陳設牲牢品物。遣官行禮儀節。及所用樂辭。均與祭玉泉山

龍神祠同。○嘉慶十七年

諭昆明湖廣潤靈雨祠

龍神靈應夙著。本年三月二十九日。朕因農田望澤。前往拈香。甫回御園。甘霖立沛。旬日以來。大田微覺乾燥。朕昨早復親拈香默禱。旋即油雲密布。午後甘膏滲灑。四野優霑。本日又得陣雨滂沛。神佑感孚。如響斯應。允宜崇加封號。於原封安佑普濟號下。敬增沛澤廣生四字。並著禮部查照黑龍潭玉泉山兩處龍神祠祀典。一體春秋致祭。以昭靈貺。欽此。遵

旨議准。昆明湖

廣潤靈雨祠。列入祀典。一體春秋致祭。應由欽天

監查照致祭

龍神之例。每歲選定春秋致祭日期。彙入祀冊。豫行送部。轉交太常寺按期題請。

欽派大臣一員承祭。朝服上香讀祝。三獻行禮如儀。所有應用香帛祭品祭器等項。由太常寺備辦。祝文由翰林院撰擬。

祭白龍潭

龍神禮節。○歲以春秋仲月致祭。遣官一人將事。朝服上香讀祝。三獻行禮如儀。其香帛祭品祭器等項。照各

龍神祠典禮。交該地方官備辦。祝文由翰林院撰擬。○嘉慶十八年

諭。據禮部查明白龍潭

龍神。於乾隆四十六年。曾經

加封為昭靈廣濟龍神。此次毋庸再益徽稱。著增入祀典。春秋以時致祭。用昭靈應。每屆祀期。前十日由太常寺專摺具奏。將散秩大臣開列名單進呈。候朕派往行禮。○又

諭。致祭白龍潭

龍神。毋庸由京派員前往行走執事。其贊引讀祝各

項執事。應令該督溫承惠飭令該處豫備。

祭

惠濟祠禮節。○歲以春秋仲月致祭。遣官一人將事。朝服上香。讀祝三獻。行禮如儀。應用香帛祭品祭器等項。均照玉泉山

龍神祠辦理。○嘉慶二十二年

諭。江南清口建有

惠濟祠。供奉

天后神像。素彰靈應。曾於乾隆五十三年。欽奉

諭旨。

頒發祭文。令地方官於春秋二季。虔誠致祭。列入祀典。
朕前因塵念河防。不能親詣。

神祠額祝。特於御園內仿照江南規制。建立
惠濟祠。

河神廟二處。歲時升香展禮。自此以後。連年普慶安
瀾。仰庇。

靈麻。實深虔感。因思清漪園靜明園二處
龍神。均有春秋致祭典禮。御園。

惠濟祠。

河神廟。顯應尤昭。允宜特奉明禋。以光祀典。著於每

歲春秋二季。一體致祭。屆期奏派圓明園大臣一員。肅恭將事。即自本年秋季為始。

祭

河神廟禮節。○歲以春秋仲月。遣大臣一員行禮。是日祭。

惠濟祠畢。承祭官至。

河神廟中案

淮瀆神位前。上香。次左案。

金龍四大王。次右案。

黃大王神位前。各上香如儀。餘與祭。

惠濟祠同。

祭

后土神

司工神禮節。凡大興作。諏吉遣官各一人將事。豫日。工部官於營建所在。因其方設左右二壇。以織葦為殿。圖繪結綵。祭日五鼓。太常寺官具祝版設。

神案各一於壇內正中。以黃紙書

后土之神。

司工之神。皆為位。供素上。各陳羊一。豕一。餅餌十

有五盤。果實五盤。鑪、鐙具。設祝案於中。少右。供祝版。左。設一案。陳帛一。色白。香盤一。尊一。爵三。和聲署設樂。太常寺設洗如式。司祝、司帛、司香、司爵、典儀、掌燎各以其職為位。承祭官拜位在壇內。香案前正中。贊禮郎引承祭官朝服行禮。迎神。上香。初獻讀祝。亞獻三獻送。

神望燎均與祭

都城隍廟同。

迎吻祭

窳神

門神禮節。○各遣官一人將事。豫日工部官設壇於琉璃窻。及迎叻所經之門。以織葦為殿圖。繪結綵。祭日五鼓。和聲署設樂於各壇前。設導迎樂於窻門外。太常寺官具祝版。祝文翰林院隨時撰擬。設

神位。陳羊豕餅餌果實香帛尊爵鑪鐙。設洗。與祭司工儀同。承祭官暨禮部太常寺工部內務府管工各官咸朝服簪花披紅。乃陳叻於窻前。樂作。太常寺贊禮郎引琉璃窻承祭官詣

窻神位前行禮。引各門承祭官詣

門神位前行禮。均與祭

司工儀同。祭畢。用導迎樂。鑾儀衛校尉舁吻。禮部太常寺官前導。承祭官從。所經諸門。承祭官迎於門前。及工所。管工官列班恭迎以入。俟安吻事竣。各退。

祭賢良祠禮節。○歲春秋仲月。諏吉。前室遣官一人致祭。後室以太常寺卿一人將事。所祀王子孫咸與行禮。大臣子孫通籍在京者如之。祭之日。太常寺官入祠供具。前室異案。各羊一。豕一。果實五盤。鑪一。鐙二。中少東設一案。北嚮。供祝版。東設一案。西嚮。陳香盤一。尊二。爵六。素帛。

二。色。後室五案。共羊一。豕一。每案果實五盤。鑪
鐙具。東設一案。西嚮。陳香盤一。尊一。爵三。素帛
一。凡牲陳於俎。帛實於篚。尊實酒。罍勺具。設洗
於前室東階下。前後各設燎鑪於垣門內東南
隅。漏未盡。與祭者各服其服。畢集於祠垣門內。
太常寺典儀立於前室檻外之東。司祝立祝案
東。司香司帛司爵各以其職為位。掌燎率燎人
立燎鑪前。質明。承祭官補服詣祠。贊禮郎二人。
引前室承祭官由中門入。又二人引後室承祭
官隨入。各至東階下。盥手畢。升階就拜位前立。

鴻臚寺官引王以下子孫序立於前室甬道左
右。引公以下大臣子孫序立於後室庭中左右。
均北面。典儀贊執事官各共乃職。贊禮郎贊就
位。承祭官以下咸就位。贊上香。前室承祭官詣
正中香案前立。司香跪奉香。承祭官上炷香。三
上辦香。次詣各案前上香如儀。贊復位。承祭官
復位。贊跪叩興。承祭官暨陪祀官均行二跪六
叩禮興。後室承祭官同時詣中案前上香儀同。
凡儀節。後室均隨前室唱贊行禮。典儀贊奠帛爵行初獻禮。有
司搗尊。冪勺挹酒實爵。司帛奉篚。詣案前跪奠。

於案。三叩興。司爵奉爵立獻正中。皆退。前室後室同。司祝詣祝案前跪三叩興。奉祝版立案右。典儀贊讀祝。司祝北面宣讀。承祭官立聽。陪祀官皆跪聽。讀訖。司祝以祝版安於篚內。跪三叩興。退。陪祀官三叩興。典儀贊行亞獻禮。司爵奉爵奠於左。贊行終獻禮。司爵奉爵奠於右。均如初獻儀。贊禮郎贊跪叩興。承祭官暨陪祀官均行二跪六叩禮。興。典儀贊奉祝帛送燎。司祝。司帛。司香奉祝帛香。以次送燎如儀。承祭官避立西旁。俟過。復位。典儀贊望燎。陪祀官退。贊禮郎

各引承祭官分詣燎位視燎。贊禮畢。仍引由中門出。各退。○雍正十一年奏准。前室承祭官一人。由太常寺前期奏遣內大臣散秩大臣尚書都統。後室遣太常寺官一人行禮。嗣後春秋遣官承祭。均照例遵行。○又議准。賢良諸臣入祠之日。太常寺先期知會王大臣之後裔。至期咸集祠內。分班行禮。嗣後凡遇春秋二祭。亦照例先期知會。至祠陪祭。

祭

京師功臣專祠禮節。○歲以春秋仲月諏吉。遣太

常寺卿分詣致祭。祭日太常寺官入祠具器。陳羊一。豕一。果實五盤。鑪一。鐙二。中少東設一案。陳祝文。東設一案。陳尊香盤。素帛爵如儀。設洗於祠門內之東。司祝。司帛。司香。司爵。典儀。掌燎。各以其職為位。如常儀。質明。承祭官補服詣祠。贊禮郎二人引自中門入。盥手畢。升階詣拜位前立。典儀贊執事官各共乃職。贊禮郎贊就位。承祭官就位立。贊禮郎引承祭官詣香案前。贊上香。司香跪奉香。承祭官上炷香。三上辦香畢。贊復位。承祭官復位。贊跪叩興。承祭官行二跪。

六叩禮興。典儀贊奠帛。爵行初獻禮。司帛奉篚。司爵奉爵各奠於案。如常儀。退。司祝至祝案前。跪。三叩興。奉祝文立案右。北面宣讀。讀訖。以祝文安於篚內。跪叩如初。興。退。典儀贊行亞獻禮。司爵獻爵於左。贊行終獻禮。司爵獻爵於右。均如初獻儀。贊禮郎贊跪叩興。承祭官行二跪六叩禮興。典儀贊奉祝帛送燎。司祝。司帛。司香奉祝帛香。以次送燎如儀。承祭官避立拜位西旁。俟過復位立。典儀贊望燎。贊禮郎引承祭官詣燎位視燎。贊禮畢。仍引由中門出。退。

祭昭忠祠禮節。○歲春秋仲月諏吉遣大臣一人詣前室致祭。太常寺官十有三人各分獻。所祀王公子孫暨諸臣子孫在。

京師者咸與行禮。祭之日太常寺官入祠供具。前室七案。中室羊一。豕一。果實五盤。左三案各果實五盤。共羊一。豕一。右如之。中左右各香案一。

鑪一。鐙二。後正室五案。後左右室各三案。每案

果室五盤。共羊一。豕一。爵三。中案奠獻。餘爵實酒。豫設。配室及房

同。每室統香案各一。鑪鐙具。東西配室各五案。

陳設如之。前東西廡。每案果實二盤。豕肉一。爵

三。鑪。鐙。具。後。東。西。羣。房。陳。設。如。之。每。案。爵。一。前。室。中。少。東。設。一。案。北。嚮。供。祝。版。東。西。序。設。案。分。陳。香。帛。尊。虛。爵。後。室。及。前。配。室。左。右。房。廡。分。陳。香。帛。房廡不設帛。尊。虛。爵。如。儀。漏。未。盡。與。祭。官。各。服。其。服。畢。集。祠。門。內。太。常。寺。典。儀。立。室。東。檐。下。司。祝。立。祝。案。東。司。香。司。帛。司。爵。各。以。其。職。為。位。掌。燎。率。燎。人。立。燎。鑪。前。質。明。承。祭。官。暨。分。獻。官。補。服。詣。祠。贊。禮。郎。引。承。祭。官。由。中。門。入。至。東。階。下。盥。手。畢。升。階。就。拜。位。前。立。引。後。室。分。獻。官。各。於。中。楹。外。序。立。引。前。配。室。及。各。房。廡。分。獻。官。於。甬。

道上東西序立。鴻臚寺官引陪祀宗室王公及大臣官弁後裔。現任一品二品者於階上東西三品以下五品以上於階下東西六品以下及有職者在大門內階下東西按班序立。典儀贊執事官各共乃職。贊禮郎贊就位。承祭官就位。贊禮郎引由前室中門入詣香案前立。贊上香。司香跪奉香。承祭官上炷香。三上瓣香。以次詣左右香案前上香如儀。贊復位。承祭官復位。贊跪叩興。承祭官分獻官暨與祭者均行二跪六叩禮興。典儀贊奠帛爵。行初獻禮。前室司帛奉

籩各奠於案。三叩興。司爵奉爵。各奠於正中。皆退。同時後室東西配室房廡分獻官。分詣各香案前。上香如儀。執事生獻帛於案。司爵獻爵於案正中。退。司祝詣祝案前。跪三叩興。奉祝版立案右。典儀贊讀祝。司祝北面宣讀。承祭官及分獻官立聽。與祭者跪聽。讀畢。以祝版奉安於中案籩內。跪叩如初。興。退。與祭者咸三叩興。亞獻終獻。均如初獻儀。贊禮郎贊跪叩興。承祭官分獻官及與祭者。均行二跪六叩禮。典儀贊奉祝帛。送燎。有司奉祝帛香。以次送燎。承祭官視燎。

均如祭賢良祠之儀。歲春秋仲月遣官一人祭雙忠祠。行禮儀節與祭昭忠祠同。

皇帝時巡方嶽遣官祭先賢名臣勳臣祠墓禮節。

前期翰林院具祝文。太常寺備香帛。授遣官齋往。祭日守土官於祭所設洗。備脯醢果實七盤。品物各隨其土產。鑪鐙具。左設一案供祝文。右設一案。

陳香一。帛一。尊一。爵三。通贊一人。引贊二人。司祝香帛爵各一人。以所在禮生充。黎明遣官朝服至所祭地。引贊引詣盥洗所。盥手畢。通贊贊執事者各司其事。引贊贊就位。引遣官詣拜位。

前立通贊贊迎

神引贊引遣官詣香案前。司香奉香跪於左。引贊贊上香。遣官上香如常儀。贊復位。遣官退復位。贊跪叩興。遣官行二跪六叩禮興。通贊贊奠帛。爵行初獻禮。司帛獻篚。司爵獻爵如常儀。贊讀祝。司祝奉祝文立案左宣讀訖。安於篚內。退。亞獻終獻均如初獻儀。通贊贊送。

神引贊贊跪叩興。遣官行二跪六叩禮興。通贊贊奉祝帛送燎。執事者各奉祝帛香。以次送燎。通贊贊望燎。引贊引遣官詣燎鑪前視燎。禮畢。退。

遣官退。執事者皆退。

